



Republika e Kosovës
Komuna e Drenasit
Kuvendi i Komunës



12 Nr. 060101-11844 dt. 03/03/ 2020

PROCESVERBALI

I mbledhjes së Komitetit për Politikë dhe Financa të mbajtur më dt. 21.02.2020, ora 10:00.

Mbledhjen e kryesoi z. Gani Podrimqaku- Anetari i K.P.F-ca.

Në mungesë të kryesuesit z. Gani Podrimqaku deklaroi të hapura punimet e mbledhjes të Komitetit për Politikë dhe Financa ku të pranishëm ishin anëtarët e Komitetit për Politikë dhe Financa: Gani Podrimqaku, Blerina Gashi, Florentina Elezi, Fitore Morina, Edolina Plakiqi, Burim Bujupi si dhe Prezent gjatë mbledhjes së Komitetit për Politikë dhe Financa ishin: Kryetari i Komunës z. Ramiz Lladrovci, Nënkryetari i Komunës z. Nazmi Hasi, përfaqësues të OSBE-së.

Komiteti filloi punimet më këtë:

Rend dite:

- 1.Procesverbali i mbledhjes së Komitetit për Politikë dhe Financa të dt. 24.01.2020.
- 2.Propozim Vendim për miratimin e Propozimit Profesional për Shpalljen e Lokalitetit të Boshtrës (Forsythia europaea) në Golesh si monument i mbrojtur i natyrës për arealin e kësaj bime (Sankoc) në pjesën e Komunës së Glllogocit.
- 3.Rregullore për Organizimin e Punës në institucionet Edukativo-Arsimore në Komunën e Drenasit.
- 4.Raporti vjetor i punës së Kryetarit dhe Qeverisjes Lokale për vitin 2019.
- 5.Propozim vendim për miratimin e Statutit të ri të QKMF-së Drenas. .
- 7.Të ndryshme.

Z. Podrimqaku deklaroi të hapura punimet e mbledhjes të Komitetit për Politikë dhe Financa.

Kryetari i Komunës së Drenasit z. Ramiz Lladrovci- njoftoi se me dt. 27/02/2020 (e enjte) në ora 17:00 do të ketë debat me temë: Politika Komunale (lokale) në Komunën e Drenasit, me anëtarët e delegacionit si : z. Rainer Wieland, Zëdhënës Presidenti Evropian – qytetar Nderi Në Komunën e Drenasit. Si doni e mbajmë seance të veçante apo si pikë e rendit të ditës në mbledhje.

Burim Bujupi- do të ishte mirë me e lënë si pikë të veçantë sepse ne nuk e dina sa mund të zgjasë seanca, si seancë e veçantë do të ishte me mirë me qenë.

Të gjithë u pajtuan që të mbahet si takim i veçantë me z. Rainer Wieland.

Kryetari i Komunës z. Ramiz Lladrovci- e ceku se mund me vijë edhe një kërkesë për ndërtimin e disa shtatoreve në Drenas.

z. Gani Podrimqaku, hodhi në votim rendin e ditës, prezent gjatë votimit ishin 6 anëtar:

Për votuan 06 anëtar, kundër nuk ka, abstenim nuk ka.

z. Gani Podrimqaku- hapi diskutimin për pikën e parë të rendit të ditës: **1.Procesverbali i mbledhjes së Komitetit për Politikë dhe Financa të dt. 24.01.2020.**

Burim Bujupi- e kemi pas si pikë e rendit të ditës rregullore për Organizimin e Punës në institucionet Edukativo-Arsimore në Komunën e Drenasit, materiali ka ardh sot, si ka mundësi me qenë pika ndërsa materiali jo ku është problemi?

z. Gani Podrimqaku- arsyeja e vonësës se rregullores është se komisioni u dashtë me punu më shumë në rregullore dhe kanë dal disa probleme gjatë hartimit të rregullores, dhe më mirë si është vonu dhe janë përmirësuar disa gabime teknike që kanë qenë, se sa me ardh një rregullore në komitet e pa pranueshme që është dashtë me kthye edhe një herë mbrapa.

Burim Bujupi- të falënderoj për sqarimin, por në momentin që nuk e kemi ne materialin atëherë nuk kemi ne as çka me diskutu rreth asaj pike sepse pa material nuk e dimë se çka të diskutojmë.

Florentina Elezi- pasi që u hap kjo temë materiali i rregullores është vonuar dhe arsyetimi po me duket jo i kapshëm, dhe ne jemi asambleista dhe kemi të drejt me pas materialin fizikisht me kohë, tani sa e mora rregulloren po e shikoj që nuk e kemi një raport të komisionit gjë që është shumë e nevojshme, dhe besoj që në mbledhje të kuvendit apo edhe tani nëse e kanë të gatshme me na sjellë, unë si asambleiste nuk e di si ka rrjedhë puna e komisionit, sa mbledhje kanë mbajt dhe si, kërkoj tani që nëse e kanë raportin e gatshëm me na sjellë, si kanë rrjedhë punët sa takime kanë mbajt me kë kanë bashkëpunuar etj.

Kryetari i Komunës z. Ramiz Lladrovci- draft rregulloren e ka përgatit bashkëpunëtori i komunës sonë zv. Ministri i tashëm i Qeverisë së Kosovës z. Jusuf Thaqi, ka disa ndryshime, propozime për të cilat jemi vonuar sepse komisioni mësuesja dhe znj. Xhylani kanë provuar me e fut në test pika të cilat bien në ndesh me kushtetutën dhe unë nuk kam lejuar, prandaj gjithçka që do të jetë në këtë draft rregullore e cila do të diskutohet gjatë edhe në kuvend do të jetë në konform ligjeve dhe rregulloreve, rregullorja është vonuar për arsye se ka qenë edhe debate publike, e keni për obligim edhe ju si asambleista me marrë pjesë, jemi radhit si komuna e tretë për performancë si rezultat i mos pjesëmarrjes së asambleistave në debate publike, për projekt qarkoren buxhetore nga asambleistat.

Florentina Elezi- pikërisht për këtë arsye kam dëgjuar dhe kam qenë debat publik dhe e kam shikuar se ka nene të cilat e shkelin ligjin, fatmirësisht e shikova se disa prej tyre vetëm qenkan rregulluar, për këtë arsye kërkova raport që herën tjetër kur të votojmë një komision me ditë kanë po e votojmë.

Burim Bujupi- a ka qenë e nevojshme që kjo rregullore me ardh sot në komitet pa e pas ne materialin, a keni mundur me e shty për seancën e ardhshme?

Nënkryetari i Komunës z. Nazmi Hasi- objekti i kësaj rregullore është funksionimi sa më efikas i procesit edukativo-arsimor, mirëpo sa ma shpejt që me e shqyrtu këtë rregullore është e domosdoshme për shkak se pas kësaj rregullore do të pasojnë edhe rregulloret në nivel të shkollës që i specifikojnë procedurat përgjithësitë dhe obligimet të secilit faktor relevant në shkollë, prandaj duhet sa ma shpejt në mënyrë që në shtator vitin e ri shkollore të startojë me të gjitha rregulloret edhe të nivelit qendror edhe të nivelit të shkollës.

Drejtori i Arsimit Muhamet Gjoka-ato që u thanë edhe u sqaruan vetëm desha për Burimin ne e kemi llogarit për me e shti si pikë të rendit të ditës në bazë të procedurave mirëpo pas dëgjimit publik, ka qenë një dëgjim publik që kemi marrë rekomandime dhe ato i kemi pas parasysh dhe komisioni ka punuar dhe ka marrë kohë që ato të inkorporohen dhe derisa të finalizohet dhe kjo rregullore, ju e keni pranuar me vonesë gjë që kërkojmë falje, por nuk ka pas ndonjë arsye tjetër, është e domosdoshme një rregullore sepse i rregullon shumë çështje edhe pse i kemi pas udhëzimet administrative, sigurisht që edhe komisionit do ta bëjë edhe një raport përfundimtar por besoj që baza ligjore është e cekur edhe ne fillim që me pas ma te lehtë ku jemi bazu dhe i kemi marrë për bazë edhe rregulloret tjera mirëpo rregulloret tjera kanë qene të viteve paraprake dhe kanë ndryshuar udhëzimet administrative dhe konsiderojmë se është një rregullore e kompletuar çdo herë do të këtë mundësi për ndryshime, dhe secila shkollë është e obliguar me pas një rregullore të brendshme, po ju siguroj që kjo rregullore është bazuar në udhëzime administrative, legjislacionit, kushtetutën.

Burim Bujupi- meqenëse ende nuk kemi arrit të kjo pikë e rendit të ditës mirëpo e shterrem debatin.

Florentina Elezi- meqë folëm për rregullore po e përfundojmë këtë pikë pastaj vazhdojmë me të tjerat.

Edolina Plakiqi- kam informacion se drejtori i ri I gjimnazit në shkollën e mesme në gjimnaz po u mbajtke edhe ora e shtatë e cila po përfundoje në ora 6:20 min, si mund ta bëni një zgjidhje për transport që mos me u nis në të kohë për me e ndryshu orarin ose mos me mbajt orën e shtatë fare.

Drejtori i Arsimit Muhamet Gjoka- është e vërtetë që pas ardhjes se pozitës së drejtorit në gjimnaz ai e ka vërejtur se ora shtatë nuk po mbahet dhe duhet të mbahet që ne jemi pajtuar plotësisht që ora shtatë më u majtë, kemi kërkuar që të shikohet orari që a ka mundësi me e zhvendos orën e shtatë, ne kemi kontaktuar edhe me drejtorinë e shërbimeve publike që me na asistua në përpilim të orarit të autobusëve, I kemi angazhuar edhe inspektorët sepse ata veç e kanë orarin mirëpo nuk po e respektojnë dhe fatkeqësisht kane mbet disa nxënës pa transport që u dashtë me e siguruar disa forma tjera transportin, për këtë e kemi njoftuar dhe drejtorinë e shërbimeve publike mirëpo edhe inspektoratin që kanë marrë masa dhe besoj që kjo nuk do të përsëritet më sepse orari është, tani e tutje nuk është arsye me orari I autobusëve besoj se ata do t'ju përmbahen sepse ju evokohet licenca.

Pasi nuk pati diskutime tjera, **z. Podrimqaku** hodhi në votim pikën e parë të rendit të ditës: **1.Procesverbali i mbledhjes së Komitetit për Politikë dhe Financa të dt. 24.01.2020**, ku të pranishëm gjatë votimit ishin 6 anëtar:

Për votuan 6 anëtar, kundër nuk pati, abstenim nuk pati.

Pas diskutimeve të pikës së tretë (3) për **Draft Rregullore për Organizimin e Punës në institucionet Edukativo-Arsimore në Komunën e Drenasit**, edhe këtë pikë të rendit të ditës hodhi në votim, e cila në mënyrë anonimë u votua që të kalon për kuvend më 6 vota për, kundër nuk pati, abstenim nuk pati.

z.Podrimqaku hapi diskutimin për pikën e dytë të rendit të ditës: **Propozim Vendim për miratimin e Propozimit Profesional për Shpalljen e Lokalitetit të Boshtrës (Forsythia europaea) në Golesh si monument i mbrojtur i natyrës për arealin e kësaj bime (Sankoc) në pjesën e Komunës së Gllogocit.**

Drejtoresha për Planifikim Hapsinor Flutura Avdiu- njoftoi se për hartimin e arsyeshmërisë profesionale për shpalljen e lokalitetit të Boshtrës (Forsythia europaea) në Golesh si Monument i mbrojtur i natyrës, Agjencisë për Mbrojtje të Mjedisit të Kosovës, Ministria e Mjedisit dhe Planifikimit Hapësinor, me vendimin Nr.7519.18 të datës 17.12.2019, ka formuar Grupin punues nga Ministria e Mjedisit dhe Planifikimit Hapësinor, Agjencia e Kosovës për Mbrojtjen e Mjedisit, Instituti i Kosovës për Mbrojtjen e Natyrës, në këtë përbërje:

Qenan Maxhuni, IKMN- kryesues

Valmira Gashi, DMMU- anëtar

Elez Krasniqi, Prof Asoc. Dr. Departamenti i Biologjisë, FSHMN, Universiteti i Prishtinës “Hasan Prishtina”- anëtar

Adnan Bullatovci, Komuna Fushë Kosovë- anëtar

Bajram Sinani, Komuna Lipjan- anëtar

Haki Bekolli, Komuna Glogoc- anëtar

Përparim Gashi, SIM- anëtar

Pas hartimit të propozimit profesional për shpalljen e lokalitetit të Boshtrës (Forsythia europaea) në Golesh si Monument i mbrojtur i natyrës nga grupi punues i formuar sipas vendimit Nr.7519.18 të datës 17.12.2019, nga Ministria e Mjedisit dhe Planifikimit Hapësinor, Agjencia e Kosovës për Mbrojtjen e Mjedisit, Instituti i Kosovës për Mbrojtjen e Natyrës.

Drejtoria për Planifikim Urban dhe Mbrojtje të Mjedisit, me Propozimin 08-Nr.03070788 dt. 13.12.2019, duke u bazuar në Vendimin e Agjencisë për Mbrojtje të Mjedisit të Kosovës të MMPH-së me nr.7518/18 të datës 19.12.2018, për Hartimin e arsyeshmërisë profesionale për Shpalljen e lokalitetit të boshtrës (Forsythia europaea) Golesh si monument i mbrojtur i natyrës të paraqitur të Kryetari i Komunës, është kërkuar të merret vendim për lejimin e hapjes së konsultimit publik për Propozimin Profesional për Shpalljen e lokalitetit të boshtrës (Forsythia europaea) Golesh si monument i mbrojtur i natyrës për arealin e kësaj bime në Sankoc, në pjesën e komunës së Glogocit të punuar nga grupi punues sipas vendimit të lartëshënuar.

Kryetari i Komunës, pas shqyrtimit të propozimit 08-Nr.030-70789 dt. 13.12.2019, paraqitur nga Drejtoria për Planifikim Urban dhe Mbrojtje të Mjedisit, bazuar në nenin 13 dhe 58 të Ligjit për Vetëqeverisjen Lokale, Nr.03/L-040 (GZ Nr.28/2008), nenin 72 të Statutit të Komunës së Glogocit 01-Nr.110-6904 dt. 24.09.2008, ka marrë Vendim me të cilin Lejohet fillimi i procedurave për hapjen e konsultimit publik për Propozimin profesional për shpalljen e lokalitetit Boshtrës (Forsythia europaea) në Golesh, pjesë e fshatit Sankoc, Komuna e Glogocit- "Zonë e Mbrojtur në Kategorinë e Monumentit të Natyrës". Në bazë të Vendimit të Kryetarit të Komunës së Glogocit 01-Nr.070-71395 të datës 17.12.2019, për lejimin e hapjes së konsultimit publik për Propozimin Profesional për shpalljen e lokalitetit të Boshtrës (Forsythia europaea) në Golesh si Monument i mbrojtur i natyrës për arealin e kësaj bime (Sankoc) në pjesën e Komunës së Glogocit të punuar nga grupi punues, është publikuar Njoftimi për Shpallje Publike në të cilën janë ftuar dhe njoftuar qytetarët për të shprehur mendimet për Propozimin Profesional për shpalljen e lokalitetit të Boshtrës (Forsythia Europaea) në Golesh si Monument i mbrojtur i natyrës duke ndihmuar në dhënien e mendimeve, sugjerimeve, komenteve e vërejtjeve për këtë propozim dokument në afat prej 30 ditësh nga dita e hapjes së konsultimit publik.

Burim Bujupi- kërkoj sqarim rreth kësaj bime, cila është dobia e saj, dhe çka shohim në të për arsye se po merret një zonë e madhe që i bien përafërsisht 100 ha?

Drejtoresha për Planifikim Hapësinor Flutura Avdiu-raportin, arsyeshmerinë profesionale besoj se në kuvend do të shqyrtohet edhe një herë dhe do të behët një arsyeshmeri e saktë e dobisë edhe e rendësisë të kësaj bime dmth kjo bimë është kryesisht e natyrës biologjike kemi pas një debat rreth hapësirës sepse me të vërtetë është një hapësirë e madhe.

z. Podrimqaku hodhi në votim këtë pikë të rendit të ditës, prezent gjatë votimit ishin anëtar: për votuan 6 anëtar, kundër nuk pati, abstenim nuk pati.

Meqë pika e tretë u diskutua dhe u votua **z. Gani Podrimqaku** hapi diskutimin për pikën e katër të rendit të ditës: **4.Raporti vjetor i punës së Kryetarit dhe Qeverisjes Lokale për vitin 2019.**

Pasi që nuk pati diskutime për këtë pikë të rendit të ditës të gjithë anëtarët e Komitetit për Politike dhe Financa rekomanduan që edhe kjo pikë e rendi të ditës të kalon për kuvend.

z. Podrimqaku- hapi diskutimin për pikën e pestë të rendit të ditës :**5.Propozim vendim për miratimin e Statutit të ri të QKMF-së Drenas.**


Pasi që nuk pati diskutime për këtë pikë të rendit të ditës të gjithë anëtarët e Komitetit për Politike dhe Financa rekomanduan që edhe kjo pikë e rendi të ditës të kalon për kuvend.

z.Gani Podrimqaku – hapi diskutimin edhe për piken e fundit të ndryshme.

Pasi që nuk pati diskutime, vërejtje apo sugjerime **z. Podrimqaku** e konsideroj e seancën e mbyllur.

Mbledhja përfundoj rreth orës: 11:00 min


Procesmbajtëse



Zahrie Podrimqaku-Subashi



Kryesuesi I Kuvendit Komunal



Labinot Halilaj